

Spresione è cumunicação

I CUNTRASTI

Nivellu : Ciculi 1, 2 è 3

Ogettivi :

- Purtà i zitelli à avè una spresione linda
- Favurizà a memorizzazione da permette di rinvestisce strutture è lessicu

Materiale

* E fiure chì currispondenu à i cuntrasti proposti.

Sbucinera

1^a tappa

U maestru prupone a fiura chì currisponde à u cuntrastu sceltu. (esempiu : a fiura 2 currisponde à u cuntrastu trà Cappuccinella Rossa è a mamma). U maestru prupone e frase di u cuntrastu di modu teatrinu. Ripiglia dopu ogni frasa è a face ripete di manera cullettiva po individuale.

2^a tappa

U maestru sceglie dui zitelli per falli dè a scenetta (si pò ghjuvà u maestru di mariunette à u ciculu 1)

Tavulelli di i cuntrasti

Fiure	<u>Ciculu II</u>
2	<p><u>A MAMMA</u> : Tè, o Cappuccinè, piglia issu biscottu. <u>CAPPUCCINELLA ROSSA</u> : U mettu in a mo sporta. <u>A MAMMA</u> : Tè, Piglia dinò issu vasettu di butiru. <u>CAPPUCCINELLA ROSSA</u> : U mettu anch'ellu in a mo sporta. <u>A MAMMA</u> : Avà, Vai inde Mammone, chì hè malata. <u>CAPPUCCINELLA ROSSA</u> : Ié, li portu u biscottu è u vasettu di butiru. Avvedeci, o Mà.</p>
4	<p><u>U LUPU</u>: Salute ! Cumu ti chjami ? <u>CAPPUCCINELLA ROSSA</u> : Salute ! Mi chjamu Cappuccinella Rossa. <u>U LUPU</u> : Chì ci hè in a to sporta ? <u>CAPPUCCINELLA ROSSA</u> : Un biscottu è un vasettu di butiru. <u>U LUPU</u> : Induve vai ? <u>CAPPUCCINELLA ROSSA</u> : Vò inde Mammò, chì hè malata ! <u>U LUPU</u> : Induve stà a to mammone ? <u>CAPPUCCINELLA ROSSA</u> : Stà in fondu di a furesta. <u>U LUPU</u> : Femu una corsa ?</p>
6	<p><u>U LUPU</u> : Tocchi ! Tocchi ! <u>A MAMMONE</u> : Quale hè ? <u>U LUPU</u> : Sò eiu, Cappuccinella Rossa ! <u>A MAMMONE</u> : Tira a funicella, a vulella cascherà è a porta s'aprerà.</p>
10	<p><u>CAPPUCCINELLA ROSSA</u> : Tamanti ochji chè vo avete, o mammò ! <u>U LUPU</u> : Hè per vedeti megliu, o figliulè ! <u>CAPPUCCINELLA ROSSA</u> : Tamante arechje chè vo avete, o mammò ! <u>U LUPU</u> : Hè per senteti megliu, o figliulè ! <u>CAPPUCCINELLA ROSSA</u> : Tamanti bracce chè vo avete, o mammò ! <u>U LUPU</u> : Hè per abbracciàti megliu, o figliulè ! <u>CAPPUCCINELLA ROSSA</u> : Tamanti denti chè vo avete, o mammò ! <u>U LUPU</u> : Hè per manghjàti megliu !!!</p>